



8 November 2022

## Familienuus 426

[Sien skakel onderaan die dokument indien jy nie meer Familienuus wil ontvang nie.]

### VANUIT DIE SINODEHUIS

Ek luister wanneer doopouers 'n belofte aflê. Ek sien die foto's wanneer groepe jongmense belydenis van geloof doen. Ek woon gereeld die bevestiging van leraars by.

Ek wonder oor die "aflê van 'n belofte" teenoor die Here.

Dit is sekerlik nie iets om voor bang te wees nie – al is ons bewus van ons eie feilbaarheid. Terselfdertyd vra dit van ons 'n groot besef oor dit waarmee ons nou gaan besig raak: kinders grootmaak, leef as 'n gelowige of ons lewe gee vir die bediening in 'n gemeente ...

Aan die een kant is dit ons *gehoorsame reaksie* op die roeping van die Here in ons lewe. "Volg My." Aan die anderkant is dit ons *toewyding* aan hierdie Here. "Neem my lewe, laat dit, Heer, U gewy wees", meer en meer...

### GEMEENTES EN LERAARS

Ons bid steeds vir **Nico Swart** van **Skuilkrans** na sy groot operasie.

Ons bid ook vir ons kollega, **Marius Smit** van **Breyten**, wat verlede week 'n groot operasie ondergaan het.

Ons bid steeds vir **Chris Lötter** van **Rayton** en sy vrou, **Sandra**.

**Victor Cloete**, Diensleraar by **Moreletapark**, vertrek 1 Desember na **Hoopstad** as Diensleraar.

## NAWEEK IN CHRISSIESMEER SE MERE-GEBIED



Die inskrywings kom in – spring gou om jou plek te bespreek.

Die **Projekspan vir Ekologie** reël 'n naweek vir natuurliefhebbers **25 tot 27 November 2022**. Hierdie naweek is bedoel vir individue en gesinne. **Genesaret kampterrein buite Chrissiesmeer** dien as basis. Ons beoog om voëlkenners en 'n paddakenner saam te hê wat vir ons meer inligting kan gee oor die voëls en paddas wat in hierdie pragtige meregebied te sien is. Ons gaan lekker kuier, vleilande besoek om voëls te kyk en paddas te vang (dis VET pret, glo my!) Verblyf is beskikbaar op Genesaret.

Chrissiesmeer is een van die wêreld se interessantste meregebiede. As 'n mens op Google Earth kyk, sien jy die ongelooflike hoeveelheid panne/mere in hierdie omgewing.

Chrissiesmeer is op die waterskeiding van Suid-Afrika geleë. Vier groot rivierstelsels ontspring hier, te wete die Vaal-, Komati-, Olifants- en Usuturiviere. Die meer self is die grootste natuurlike varswatermeer in Suid-Afrika en beslaan ongeveer 1500 hektaar.

Hierdie gebied is wêreldwyd bekend vir die ryk voëllewe wat hier aangetref word. En waar daar water is, is daar paddas. Verder kom hier 'n ryke verskeidenheid inheemse plante, onder meer grond-orgideë, voor.

Om solank jou plek te bespreek, kontak so gou as moontlik vir Tersia Petzer by [ontvangs@sinoos.co.za](mailto:ontvangs@sinoos.co.za) / 012 804 9543. Inskrywingsvorm is [hier](#) beskikbaar.

## CMR

Ons kollegas by die CMR gee vir ons insig in die verhouding met [kinders](#) met onbeheerbare gedrag.

## PRODUKTE en TOERUSTING

**Bestmed** stel 'n nuwe produk bekend in die Gap Cover-omgewing. Hierdie tipe produk help om die gaping tussen mediese fonds tariewe en die werklike koste van diensverskaffers te vul. Hier is 'n [brosjyre](#) en 'n [inligtingstuk](#) van **Admed**. Kontak hulle gerus hieroor.

**Excelsus** is die voertuig van die Teologiese Fakulteit waardeur leraars toegerus word. Hulle stuur telkens die bekendstelling van hulle kursusse na gemeentes en leraars uit. Gee asseblief goeie aandag hieraan. Hulle webwerf is [www.excelsus.org.za](http://www.excelsus.org.za).

Die Algemene Sinode het 'n nuut opgedateerde weergawe van die **Bestuursgids vir gemeentes, kerkrade en kerkkantore** beskikbaar gestel. Hierdie is 'n administratiewe handleiding oor alles van personeelsake, vergoeding, diensooreenkomste en dissiplinêre prosesse. Dit is op ons webwerf beskikbaar asook by hierdie [skakel](#).

**Bybel-Media** gee inligting oor hulle [kategeese](#)-produkte. Bybel-Media se produkte word saamgestel deur taakspanne van die Algemene Sinode wat baie ure se navorsing en dinkwerk en skryf hier insit. Uit ons Sinode het ons goeie verteenwoordiging op hierdie spanne. Hier is hulle wenke vir [groepleiers](#).

**Universiteitsoord** stuur vir ons inligting oor hulle [Eerstejaarskamp](#) vir 2023. Maak asseblief hierdie inligting bekend aan nuwe studente by die Universiteit van Pretoria.

Ons emeritus kollega, **Petrus Moolman**, het 'n nuwe boek gepubliseer oor demensie. Kerkbode het 'n [berig](#) oor die boek geplaas.

## BYBELGENOOTSAP VAN SUID-AFRIKA

Die Bybelgenootskap stel 'n [pos](#) bekend vir **Uitvoerende Beampte**.

## UIT ONS SINODEHUIS

**Ringe** wat in hierdie of die komende weke vergader, moet asseblief hulle getekende sakelys en notule aan [argief@sinoos.co.za](mailto:argief@sinoos.co.za) stuur vir veilige bewaring.

Onthou asseblief om die inligting op ons **webwerf** te benut [www.sinoos.co.za](http://www.sinoos.co.za) .

Leraars en kerkkantore kan met groot vrymoedigheid die **personeel** kontak om advies, raad, hulp, ondersteuning – ons help graag. Die personeel is in die Sinodehuis op hulle pos. Ons telefoonnommer is 012 804 9543.

## VERJAARSDAE

Baie geluk aan elkeen wat tot 28 November verjaar.



## PREDIKANTE

13 November - Leon Westhof, Elarduspark  
14 November - Louis Pienaar, Nelspruit-Suid  
17 November - Peet Boshoff, Witbank  
22 November - Johan Koen, Burgersfort  
25 November - Chris Bester, Ligkruis

## EMERITI

19 November - Eugen Kruger, Skuilkrans 1997  
19 November - Koos Louw, Hho-Hho Swaziland 1993  
21 November - Gawie Jordaan, VGKSA Lepelle 1995  
21 November - Rikus Geyer, Adjunk Uitv Hoof Bybelgenootskap 2011  
28 November - Marius Crouse, Goedgegun-Swaziland 2009

## GEMEENTES

13 November - Machado-Boven (110)  
15 November - Lydenburg-Suid (53)  
16 November - Tzaneen (76)  
17 November - Gravelotte (71)  
18 November - Doornkloof (49)  
22 November - Kragveld (43)  
23 November - Alkmaar (65)  
24 November - Middelburg-Suid (71)

## PERSONEEL

16 November - Neels Nothnagel, Oostelike Sinode

***Francois Retief***

***Uitvoerende Amptenaar***

[uitamp@sinoos.co.za](mailto:uitamp@sinoos.co.za)



NOTA: INDIEN U WIL UITTEKEN EN NIE MEER DIE FAMILIENUUS WIL ONTVANG NIE, KLIK [HIER](#).

VRYWARING: Die informasie vervat in die boodskap is konfidensieel en word beskerm deur die reg. Indien u nie die geadresseerde is nie, wis asseblief uit en verwittig die afsender. Dit is onwettig om die inhoud van die boodskap bekend te maak, te kopieer of te versprei, of enige aksie te neem wat op die inhoud daarvan gebaseer is. Kontak die afsender indien jy die e-pos foutiewelik ontvang het.

DISCLAIMER: The information in this message is confidential and may be legally privileged. It is intended solely for the addressee. Access to this message by anyone else is unauthorized. If you are not the intended recipient, any disclosure, copying, or distribution of the message, or any action or omission taken by you in reliance on it, is prohibited and may be unlawful. Please immediately contact the sender if you have received this message in error.